

# COMUNU DE SANTADI

## CONTRIBUTUS PO SU DERETU A SU STÙDIU BURSA DE STÙDIO REGIONALI- A.S. 2021/2022 (L.R. 5/2015) BONU LIBRUS - A.S. 2022/2023 (ART. 27 L.448/1998)

### AVISU

Si informat sa tzitadinàntzia chi funt stètius ativaus is interventus afatantis po su deretu a su stùdiu deretus a is istudentis:

#### **1. BURSA DE STÙDIO REGIONALI (a.s 2021/2022)**

Dereta a is studiantis de is scolas primàrias e secundàrias de primu e segundu gradu (eslùdius is beneficiariis de sa Bursa de stùdiu natzionali 2021/2022), chi su nùcleu familiari presentat unu indicatori de sa situatzionieconòmica ecuivalenti (I.S.E.E) in cursu de valididadi, sigundu su D.P.C.M. n° 159/2013, prus bàsciu o uguali a **€ 14.650,00**

#### **2. BONU LIBRUS (a. s. 2022/2023)**

Deretu a is studiantis de is scolas secundària de primu e segundu gradu, chi su nùcleu familiari presentat unu indicatori de sa situatzionieconòmica ecuivalenti (I.S.E.E) in cursu de valididadi, sigundu su D.P.C.M. n° 159/2013, prus bàsciu o uguali a **€ 20.000,00**.

### **MODALIDADI PRESENTAZIONI DIMANDA**

Podint presentai sa dimanda a su comunu de residèntzia (Ufitziu: Protocolu) **A INTRUS DE SU 4 DE DONNIASANTU 2022:** su babbu e sa mama, su rapresentanti legali de su studianti o su studianti etotu si est magorenni, cumpilendi su mòdulu aprontau apostadamenti e alliongenti sa documentatzioni afatanti:

1. fotocòpia de s'atestatzioni de s'ISEE in cursu de valididadi sigundu sa normativa prevèdia de su DPCM n.159/2013;
2. fotocòpia de su documentu de riconoscimentu de su richeridori in cursu de valididadi;
3. sceti po su **Bonu librus:** documentatzioni cumprovanti sa spesa (scontrinus, ricevutas, faturas).

### INFORMATIVA A PRIVACY

Su Comunu de SANTADI (SU) BOS informat ca, sigundu is articulus 13 e 14 de su Regulamentu (UE) n. 2016/679 "GDPR" (*General Data Protection Regulation*), tratat is datus personalis suos/bostrus a su scopu de su faimentu de is funtzionis istituzionalis suas, in su rispetu de is deretus e de is libertadis fundamentalis, e fintzas de sa dignidadi

Sua/Bostra, cun riferimentu particulari a sa privadesa e sa su deretu de s'amparu de is datus personalis. Su "Titulari de su tratamentu" est su Comunu de **SANTADI**, in sa persona de su Sindigu che rapresentanti legali suu *pro tempore*, cun sea in SANTADI in sa Pratzza Guglielmo Marconi, n. 1, C.A.P. 09010, C.F. 81003190923, P. IVA 00594180929, tel: 0781/94201 (centralinu), e-mail: ([protocollo@comune.santadi.ci.it](mailto:protocollo@comune.santadi.ci.it)) PEC: ([protocollo@pec.comunesantadi.it](mailto:protocollo@pec.comunesantadi.it)). Su Responsàbili de s'Amparu de is datus (RPD/DPO) nomenau, cun is datus integralis de cuntatu chi si podint agatai in sa setzioni amministratzioni trasparenti de su situ internet istituzionali de s'Enti, si podit cuntai a is recàpitus fatantis: e-mail : [privacy@comune.it](mailto:privacy@comune.it) PEC: [privacy@pec.comune.it](mailto:privacy@pec.comune.it). Su tratamentu is datus personalis Suus/Bostrus est lètzitu sendi ca est fatu sceti po s'esecuzioni de is còmpitus de interessu pùbblicu o cunnètius a s'esercitziu de podèrius pùbblicus chi tenit su Titulari de su tratamentu(art. 6, par. 1, lit. e, "GDPR") e po is adempimentus prevèdius de is normas de lei o de regulamentu a is calis est sugetu su Titulari de su tratamentu (art. 6, par. 1, lit. c, "GDPR"). Is datus particularis Suus/Bostrus e giuditziàrius funt trataus in su rispetu de cantu est prevèdiu de is arts. 9-10 GDPR e fintzas de is arts. 2-sexies e 2-octies de su D.Lgs. 196/2003. In maneras prus pretzisa, i datus Suus/Bostrus funt imperaus po su scopu de podi usufruiri **de is contributus po su deretu a su stùdiu: BURSA DE STÙDIU (a.s. 2021/2022) e BONU LIBRUS (a.s. 2022/2023)** chi si riferit sa rechesta chi est asuba e non funt comunicaus a sugetus tertzus, francu chi sa comunicatzioni non siat imposta de òbligus de lei o siat netzessària, in manera strinta, po s'adempimentu de is rechestas (es: Autoridadi giuditziària o de siguresa pùbblica, sugetus istantis sigundu sa Lei 241/1990 e modificas afatantis e de su D.Lgs. 33/2013 e modificas afatantis., àterus sugetus pùbblicus po finalidadis istituzionalis, responsàbilis de su tratamentu nomenaus in manera espressa ex art. 28 GDPR ecc.). In prus, is datus Suus/Bostrus podint essi sugetus a sa spainadura sceti in fortza de cantu est prevèdiu de is òbligus in tema de pubblitizidadi legali e trasparèntzia e in su rispetu de su printzipiu de minimizatzioni de is datus etotu. I datus Suus/Bostrus funt trataus sceti de personali de s'Enti designau/autorizau in manera espressa sigundu is art.s 29 e 32-4 GDPR e art. 2-quaterdecies de su D.Lgs. 196/2003, in su rispetu de is printzipius sigundu s'art. 5 "GDPR" e, in particulari, in osservàntzia de is printzipius de litzeidadi, curretesa, trasparèntzia, pretzisioni, integridadi, privadesa, minimizatzioni cunfronta a is finalidadis de regorta e de tratamentu afatanti. Su tratamentu est fatu cun sistemas manualis e automatizaus po memorizai, gestiri e trasmiti is datus etotu cun lògicas correladas a is finalidas matessi, in sa base de is datus in possessu nostru ee cun s'impignu de parti Sua/Bostra de nosi comunicai a lestru curretzionis eventualis. Is datus trataus funt amparaus po mèdiu de mesuras de siguresa adeguadas, organizativas, tènicas e fisicas, po amparai is informatzionis de s'alteratzioni, de sa distrutzioni, de sa pèrdida, de sa fura o de s'impreu impròpiu o illegitimu. Is datus personalis trataus non funt ogetu de unu protzessu decisionali automatizau, inclùdia sa profilatzioni, e non funt trasferius a Paisus tertzus. Is datus funt trataus po totu su tempus netzessàriu a s'acabu de su protzedimentu, e a pustis, ant a essi allogau in manera cunforma a is normas a pitzus de s'allogu de sa documentatzioni amministrativa. Is interessaus podint esercitai in calisisiat momentu, po mèdiu de rechesta de mandai a su Titulari de su tratamentu, fintzas po mèdiu de su DPO, a is recàpitu indicaus in antis, is deretus sigundu is art.s 15-22 GDPR (es: atzessu, retifica, scancelladura, limitatzioni, oposizioni). In prus, si in casu su Titulari de su tratamentu detzidat de esternalizai su tratamentu e nomenau unu Responsàbili de su tratamentu, s'at a assigurai, po mèdiu de istrutzioni pretzisas e una designatzioni espressa sigundu s'art. 28 "GDPR", chi custu potzas fai is còmpitus suus a manera chi su Titulari non tengat dificultadi a eseguiri s'esercitziu de is deretus chi si chistionat in is tempus stabilisu de su "GDPR". S'esercitziu de is deretus arremonaus in antis podit essi trigau, limitau o esclùdiu sigundu cantu est prevèdiu de s'art. 2-undecies del D.Lgs. 196/2003. Su mòdulu po s'esercitziu de is deritus est a disponimentu in su situ de s'Autoridadi Garanti po s'Amparu de is Datus Personalis. Fatu salvu dònna àteru recursu amministrativu o giurisditzionali, s'interessau tenit su deretu proponi reclamu a s'Autoridadi garanti po s'amparu de is datus personalis.. Prus informatzionis e unu modellu de reclamu funt a disponimentu in su situ internet de s'Autoridadi Garanti po s'Amparu de is Datus Personalis.

## MODULÌSTICA E INFOMATZIONIS

Sa modulìstica de oberai est a disponimentu in su situ de sa Regioni Sardinia [www.regione.sardegna.it](http://www.regione.sardegna.it), in situ istituzionali de su Comunu ([www.comune.santadi.su.it](http://www.comune.santadi.su.it)) e in paperi in s'esposidori chi est de fronti a su potoni de su Comuni e in s'Ufitziu Protocllu (de lunis a cenàbara de is 10:00 a is 12:00)

*Po informatzionis:*

Ufitziu Pùbblica Istruzioni.

Diis e oràrius de abertura: de lunis a cenàbara de is 10,00 a is 12:00.

Telèfunu: 0781/9420322

Email: [michele.meloni@comune.santadi.ci.it](mailto:michele.meloni@comune.santadi.ci.it)

Santadi, 21.10.2022

SU SÌNDIGU  
f.au M. Impera